

Enformaziuns y Comunicaziuns

Dé dla Vita: En domëgna ai 7 de forá pla gran mësxa gnarál recordé le Dé dla Vita. La Uniun dles Ęres dëida recordé ai geniturs dai mituns bacés dal 2015, da ti porté les fotografies a Edith Ferdigg, str. Plan de Coronas 42, por che ara pói fá le placat.

Ministronc: Al vën lascé alessëi che en dedolönesc ai 2 de forá él na proa dai ministronc. An s'encunta ales 17:30 te dljia, ales 18:00 él spo la mësxa con la benedisciun dles ciandëres.

Uniun dles Ęres/1: La Uniun dles Ęres prëia y reingrazia belo danfora dla oferta dai 2 de forá, festa de Santa Maria de Forá (Candelora).


Uniun dles Ęres/2: La Uniun dles Ęres deboriada con le Consëi de Formaziun mët da jí en curs de laurs de convont (Klosterarbeit). Al gnará fat üs y de pices decoraziuns por Pasca. Le curs é les sabedes ai 20 y 27 de forá te calogna d'Al Plan. Prenotaziuns pa Annamaria de Lex al 334/6102551.

Curs: Ai 30 y 31 de jená (dala sabeda ales 16:00 cina la domëgna ales 16:00) vëgnel tigní tal "Haus der Familie" Lichtenstern en seminar con Thea Anderlan y signor Tone Fiung, sot al tema "Gottes Liebe ist so wunderbar", ponsé por colaboradus dles ploanies co se dá jö con mësxes por mituns y düc i interessês. Ara nen vá da trá ete deplü i mituns mo ince i gragn tes funziuns liturgiches. Enformaziuns al 0471/345172.

KVW Seniorencub: En Jöbia Grassa ai 3 de forá, ales 3 domisdé, vëgnel fat te salff dles manifestaziuns d'Al Plan na festa da carlascé. Mascheres é bënëdüdes.

Jogn: Le grup dai jogn d'Al Plan organisëia ai 6 de forá la 3a ediziun dla gara dla lösa. Ara mët man ales 19:30 sön la pista "Cianross". Le cost é de 10,00€ a ce (con boanda). Al gnará fat categories de ëi, ëres y copies moscedades. Enformaziuns y iscriziuns cina ai 5 de forá pa Florian Frontull al 349/8880244 (do les 17:00).

Sorvisc ai Jogn: Le SaJ chir jogn y jones co á ligrëza da laoré con mituns y mitans, desco animadus pal proiet "Isté Deboriada 2016" (an mësx avëi arjunt la majera eté!). Enformaziuns al 0474/523070 (lön-jöb, 8.00-12.00 y 13.00-17.00) o info@jogn.org. Termo por dé jö les domandes é i 29 de forá 2016.



Gejü à dit: „Chi co crëi te mè, vir ince sce ai mör!“

La comunité tol comié da **Ernesto Trebo** morta al'eté de 83 agn. Ai familiars i vál les condolianzes plü sontides. Che Ernesto pói palsé tla pêsc de Dio!

Impressum: Ploania d'Al Plan, str. Catarina Lanz nr. 46, 39030 Al Plan de Mareo
Comunicaziuns - cina al dedemesaledema sëra - da mené a: Pablo Palfrader
Tel. 333 4762010 Mail: ploaniaalplan@gmail.com
Download plata: www.comun.mareo.bz.it o ince www.unitepastorala.org



Plata dla Ploania Al Plan de Mareo San Vighile

Ploan: Signor Heinrich Perathoner
E-Mail: ploaniaalplan@gmail.com

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA

www.unitepastorala.org

Ann C 31.01.2016 - 4. Domëgna dal ann - Festa Sant Ojöp da Oies nr. 10

Ai s'â dessené con Gejü y orea le sciüré jö!

Dal Vagnele do San Luca 4, 21 - 30

²⁴Y al á enjunté: Amen, i ves diji: Degün profet ne vën reconesciü te söa patria. ²⁵Veramonter, cösc ves diji: Te Israel êl en gröm de vëdoes en chi dis de Elia, canche le cí ea slüt por trëi agn y sis mënsch y al ea gnü na gran ciarestia sön döt le raiun. ²⁶Mo a degüna de chëres ne ti él gnü orcé Elia, ma a na vëdoa a Sarepta dlungia Sidonn. ²⁷Y al ea trec levrusc te Israel al tomp dal profet Eliscia. Mo degügn de chi n'é gnüs varis, ma Náamann, le sirach. ²⁸Canche la jont tla sinagoga â aldí cösc, s'ái dessené. ²⁹Ai é saltés sö y á paré Gejü fora de ciüté; ai l'á condüt cina sön l'ur dal crëp, sön chël che söa ciüté ea gnüda fata sö, y ai orea le sciüré jö. ³⁰Mo èl é passé amesa la meja fora y s'an é jü demez. **Parora dal Signur. - Lalt a te, Gejü Crist!**



Pelegrinaje por l'Ann Sant dla Misericordia

Por l'Ann Sant dla Misericordia él la Uniun Ploanies Ladines (decanac de Gherdëna y dla Val Badia) co enviëia düc al Pelegrinaje a Porsenú, **en sabeda ai 23 d'aoir 2016**.

Program: An pëia ia ales 7:30 dla Val Badia demez, por s'encunté tla dljia da Milland ales 9:30. Do na picia funziun, ván en prozesciun cina tal dom da Porsenú, olache i fedei passa tres la **Porta Santa con l'endulionza**, y festejëia deboriada la Santa Mësxa. Do na marëna deboriada, ván ennant en prozesciun cina Neustift, olache al gnará tigní na funziun de reingraziamont. Encër les 16:00 pëiun endö ca zoruch con la coriera.

Por les ploanies dal comun de Mareo pëia ia la coriera ales 7:30 a La Pli y passa spo por Al Plan y Longega. Al é da se prenoté anter i 1. de merz te calogna. La prenotaziun val ma sce al vën paí ete la soma de 25,00€, co tol ete la coriera y la marëna. Düc é enviés da tó pert y gní empara con la coriera.



Domègna: 31.01.2016.: IV. Domègna dal Ann: S.Ojöp Freinademetz



8.30: S.M. a La Pli

9.00: Proa dal cor de dljia

10.00: S.M. pro popolo en onù de S.Ojöp da Oies

18.00: S.M. aniv. por +nta Hanni Palfrader de Corjell
S.M. por +nt Pepi Castlunger dal Surt
S.M. por les Animes plü arbandonades

Lön. 01.02: Feria dla 4. edema dal ann: **Sa.Brighita, S.Severus**

7.20: S.M. por +nt Hermann Trebo dal Schneider
S.M. por +nc' Jep y Hilda Morlang
S.M. por les Püres Animes

Dédol. 02.02: Festa dla Presentaziun de Gejù tal temp!

7.30: S.M. a La Pli

N.B.: **18.00:** **Benedisciun dles ciandères**

S.M. aniv. por +nc' Schanung Davide y Maria
S.M. por +nta Paula Kehrler ved. Moroder
S.M. por +nc' de Franziska Clara Pitscheider
Benedisciun de S.Blaje

N.B.:

19.30: Corona al Sacher Cör de Gejù

Dédem.03.02 Feria dla 4. edema: **S.Blaje, S.Oskar, S.Hadelin**

14.30: **Benedisciun de S.Blaje – Mituns- Mitans**

18.00: S.M. por +nc' Carolina, Franz y Maria Clara
S.M. por +nt Marco Goidanich
S.M. por +nt Siur Berto Videsott

N.B.: **Benedisciun de S.Blaje**

Jöbia 04.02: Feria dla 4. edema dal ann: **S.Rabanus, Sa.Veronica**

19.30: S.M. a La Pli

Vijita personala te dljia y te cortina

Vëndr.05.02.: **Santa Agata martire: 1. vëndres dal mens**

7.50: **S.M. por i scolari**

S.M. de rengr. por Fam. Palfrader Angelo y Anna
S.M. por +nt Hubert Rungger dal Färber
S.M. por +nc' de Paula Werth

Funziun al Sacher Cör de Gejù

13.00: **Al vègn portè la S.Comeniun ai püri y amarès**

15.00: **Ora de oraziun**

Sab.06.02.: **1. sab. dal mens: Sancta Maria in sabato: Paul Miki y C.**

17.00: **Poscibilitè da se pissiè**

18.00: S.M. por +nt Tone Comploi dal Tabach
S.M. por +nt Paul Ties de Tone de Col
S.M. de rengr. por Fam. Borroni Giorgio y Augusta
S.M. por +nt Pitscheider Richard

19.30: S.M. a La Pli


Domègna 07.02: V. Domègna dal Ann (domègna de Carlaschè)

8.30: S.M. a La Pli

9.30: **Corona dla domègna**

10.00: **S.M. pro popolo por dōta la Ploania**

18.00: S.M. por vīs y +nc' dla Fam. Fighile y Cecilia Rungger
S.M. por +nc' Tone y Rita Kaneider d'Andram
S.M. por +nt Roberto
S.M. por +nc' de Linda Rubatscher, Longega



**Da ponsé do
PONSIIERS DE SANT OJÖP DA OIES**

Nia nes é gnü metü a cör tan dassënn da Gejù Crist y nia n'é gnü racomané con tan de costanza dai apostui, desco le comandamont dal amur: *oresse bun ön al ater con en amur leal y sonzier.*

Soportesse con pazionza, consolesse, encorajesse ön con la'ater a fá dal bën, desco fredesc co é animá dai medemi enteresc y co tira le medemo ciar.

Ma sc'i sarun unis dal medemo lian dal dër amur cristian, podarunse éster stersc sön le post che le Signur nes dará.

Sce döt é chít y ara va bun, n'édli nia bun. I apostui s'â endormedí canche le mer ea chít, mo tla tompesta äi salpü da jí dal Signur.

Les reses crësc dagnora amesa les spines, les virtus amesa les tribolaziuns. Al n'é nia reses sonza spines, al n'é nia na virtú sonza tribolaziun.

La oraziun é la spëisa dal anima; y desco le corp ne vir nia sonza spëisa, ensciö gnanca l'anima sonza oraziun. Desco le lëgn adora la tera por se nudrí, ensciö adora l'anima l'oraziun. Desco le pësc ne vir nia fora d'ega, ensciö ne vir nia l'anima sonza oraziun. Desco döt florësc y porta früt encër na fontana d'ega, ensciö florësc la virtú te n'anima co präia.

Ofertes empede ciöf sön fossa dal +nt Ernesto Trebo

Por la Kriebshilfe: Chi da Pederü, Fam. Obwegs da Garsun, Federa Valeria y Margareth, Fam. Frenner de Pincia

Por SS. Mësses: Fam. Tone y Annamaria Complojer, Fam. Trebo Hot. Al Plan

Por les Misciuns: Fam. Trebo Paul y Anna dal Sauter

Por la Dljia: Fam. Frenner, Lavarella, Fam. Pisching Cortese, Scora dai Schi Al Plan, Fam. Leimegger, Meda Ida, Willi y Margot, Jörgl y Rossana, Fam. Coppola, Fam. Frenademez Bruno y Paula

Por la Caritas: Franziska con familia

Der bel iolan y Dio s'al paii!

Sorvisc dai Ministróné

Lönesc 01/02 (7:20h), Dédemesaledema 03/02 (18:00h), Vëndres 05/02 (07:10h): Hannes y Lara Ploner;

Dedolönesc 02/02 (18:00h): Marlene Palfrader, Alexa Ties, Philip y Sebastian Mutschlechner, Luianta y Moltina Clara, Anna y Matteo Sottrovisch;

Sabeda 06/02 (18:00h): Linda y Max Clara, Daniel y Simon Comploi, Matthias Kaneider, Miller Francesco Suani;

Domègna 07/02 (10:00h): Elena y Natalie Obojes, André Castlunger, Maria y Matteo Huber, Lucia Obwegs;

Domègna 08/02 (18:00h): Artur y Herbert Piazza, Gabriel y Paul Trebo, Max y Philip Palfrader;

